

GJYKATA EVROPIANE E TË DREJTAVE TË NJERIUT

SEKSIONI I TRETË VENDIM

Kërkesa nr. 18175/12

NIKOLLA CEPIKU DHE SENI SHPK KUNDËR SHQIPËRISË (shih tabelën bashkëlidhur)

Gjykata Evropiane e të Drejtave të Njeriut (Seksioni i Tretë), e mbledhur më 9 nëntor 2023 si një Komitet i përbërë nga:

Ioannis Ktistakis, *kryetar,*

Darian Pavli,

Oddný Mjöll Arnardóttir, *gjyqtarë*

dhe Viktoriya Maradudina, *zëvendëssekretare e përkohshme e Seksionit,*

duke marrë në konsideratë kërkesën e mësipërme të paraqitur më 7 mars 2012,

duke marrë në konsideratë deklaratën e paraqitur nga qeveria përgjegjëse me anë të së cilës Gjykatës i kërkohet të çregjistrojë kërkesën nga lista e çështjeve,

Pasi diskutoi, vendos si më poshtë:

FAKTET DHE PROCEDURA

Lista e kërkesve paraqitet në tabelën bashkëlidhur.

Kërkuesit u përfaqësuan nga znj. A. Mascia, avokate që e praktikon ligjin në Verona.

Qeverisë shqiptare (“Qeveria”) iu komunikuan ankesat e kërkesve në mbështetje të nenit 6 § 1 dhe nenit 13 të Konventës, në lidhje me kohëzgjatjen e tepërt të procesit civil dhe mungesën e mjeteve efikase.

LIGJI

A. Në lidhje me kërkesën e parë, z. Cepiku

Pas negociatave të pasuksesshme për zgjidhje miqësore, qeveria informoi Gjykatën se propozonte të bënte një deklaratë të njëanshme me qëllim zgjidhjen e problematikave që lindnin nga ankesat e mësipërme.

Qeveria e pranonte kohëzgjatjen e tepërt të procesit civil në lidhje me kërkesin e parë. Në vijim, qeveria pranonte se autoritetet vendase kishin shkelur të drejtat e kërkesit të parë, të garantuara nga neni 13 i Konventës. Qeveria ofronte t’i paguante kërkesit të parë shumat e detajuara në tabelën bashkëlidhur dhe fton Gjykatën të çregjistrojë kërkesën nga lista e çështjeve në përputhje me nenin 37 § 1 (c) të Konventës. Shumat do të konvertoheshin në monedhën e shtetit përgjegjës në normën e zbatueshme në datën e pagesës dhe do të shlyheshin brenda tre muajve nga data e njoftimit të vendimit të Gjykatës. Në rast se këto shuma nuk do të paguheshin brenda periudhës tremujore të sipërpërmendur, qeveria merrte përsipër të paguante interesin e thjeshtë për to nga përfundimi i periudhës deri në shlyerje, në normën e barasvlershme me normën marginale të huadhënies të Bankës Qendrore Evropiane gjatë periudhës së mospagesës plus tre pikë përqindje.

Pagesa do të përbënte zgjidhjen përfundimtare të çështjes.

Kërkuesit të parë iu dërguan kushtet e deklaratës së njëanshme të Qeverisë disa javë përpara datës së këtij vendimi. Më 7 mars 2023, Gjykata mori një përgjigje me anë të së cilës kërkesi i parë kundërshtonte kushtet e deklaratës.

Gjykata vëren se neni 37 § 1 (c) i krijon mundësinë të çregjistrojë një çështje nga lista nëse:

“... për çdo arsye tjetër që, sipas Gjykatës, nuk justifikon vazhdimin e shqyrtimit të kërkesës”.

Në këtë mënyrë, Gjykata mund të çregjistrojë kërkesa në mbështetje të nenit 37 § 1 (c) mbështetur në një deklaratë të njëanshme nga qeveria përgjegjëse edhe nëse kërkesit dëshirojnë që të vijohet me shqyrtimin e çështjes (shih veçanërisht vendimin *Tahsin Acar kundër Turqisë* (kundërshtimet paraprake) [DHM], nr. 26307/95, §§ 75–77, GJEDNJ 2003-VI).

Gjykata ka krijuar një praktikë gjyqësore të qartë dhe gjithëpërfshirëse, në lidhje me ankesat për kohëzgjatjen e tepërt të procesit civil (shih, për shembull, *Luli dhe të Tjerë kundër Shqipërisë* nr. 64480/09 dhe 5 të tjerë, 1 prill 2014, dhe *Mishgijoni kundër Shqipërisë* nr. 18381/05, 7 dhjetor 2010).

Duke vënë re pohimet në deklaratën e Qeverisë, si edhe shumën e kompensimit të propozuar – që është në përputhje me shumën e akorduara në çështje të ngjashme – Gjykata vlerëson se nuk është e justifikueshme që të vijohet me shqyrtimin e kërkesës në pjesën e paraqitur nga kërkuesi i parë (neni 37 § 1 (c)).

Për sa më sipër, Gjykata vlerëson se mbështetur në parashikimet e Konventës dhe të Protokolleve të saj mbi të drejtat e njeriut, asaj nuk i kërkohet të vijojë me shqyrtimin e pjesës respektive të kërkesës (neni 37 § 1 *in fine*).

Së fundmi, Gjykata thekson se nëse qeveria nuk respekton kushtet e deklaratës së saj të njëanshme, kërkesa mund të rikthehet në listë në përputhje me nenin 37 § 2 të Konventës (shih *Josipović kundër Serbisë* (vendim) nr. 18369/07, 4 mars 2008).

Për sa më sipër, është me vend që të çregjistrohen ankesat në lidhje me kohëzgjatjen e tepërt të procesit civil dhe mungesën e mjeteve efektive për sa i takon kërkuetit të parë, z. Cepiku.

B. Në lidhje me kompaninë kërkuuese

Edhe kompania kërkuuese ngriti ankesa të ngjashme në mbështetje të neneve 6 dhe 13 të Konventës.

Gjykata ka shqyrtuar kërkesën dhe vlerëson se, në mbështetje të të gjithë materialeve që zotëron dhe përderisa çështjet për të cilat janë ngritur ankesat janë në kompetencën e saj, këto ankese nuk përmbushin kriteret e pranueshmërisë të parashikuara në nenet 34 dhe 35 të Konventës, dhe nuk paraqesin ndonjë konstatim të shkeljes së të drejtave dhe lirive të parashikuara në Konventë ose në Protokollin e saj.

Rrjedhimisht, kjo pjesë e kërkesës duhet të kundërshtohet në mbështetje të nenit 35 § 4 të Konventës.

Për këto arsye, Gjykata, në mënyrë unanime,

Mban në konsideratë kushtet e deklaratës së Qeverisë përgjegjëse në lidhje me kërkuetin e parë, z. Cepiku, dhe angazhimet për garantimin e respektimit të premtimeve në të;

Vendos të çregjistrojë këtë pjesë të kërkesës nga lista e saj e çështjeve në përputhje me nenin 37 § 1 (c) të Konventës;

E deklaron pjesën tjetër të kërkesës të papranueshme.

Hartuar në gjuhën angleze dhe njoftuar me shkrim më datë 30 nëntor 2023.

ZËVENDËSSEKRETARE E PËRKOHSHME
Viktoriya Maradudina

KRYETAR
Ioannis Ktistakis

SHTOJCË

Lista e kërkesave sipas së cilave paraqiten ankesa në mbështetje me nenin 6 § 1 të Konventës
(kohëzgjatje e tepërt e procesit civil dhe mungesa e mjeteve efektive në ligjin vendas për këtë aspekt)

Ankesa nr. Data e paraqitjes	Emri i ankuesit Viti i lindjes	Emri dhe vendndodhja e përfaqësuesit	Data e marrjes së deklaratës së Qeverisë	Data e marrjes së komenteve të kërkuarit	Shuma akorduar për dëmin jopasuror për kërkuarin e parë sipas deklaratës së njëanshme (në euro) ¹	Shuma e akorduar për kostot dhe shpenzimet për kërkuarin e parë sipas deklaratës së njëanshme (në euro) ²
18175/12 7.3.2012	Nikolla CEPIKU 1954 SENI SHPK 1995	Mascia Antonella Verona	30.1.2023	7.3.2023	1,200	250

¹ Plus çdo taksë që mund t'i tarifohet kërkuarit.

² Plus çdo taksë që mund t'i tarifohet kërkuarit.